


AZADI KA AMRIT MAHOTSAV (India@75)

India Zalen Kum 75 lawmna



ENTITLEMENTS UNDER MAHATMA GANDHI NATIONAL RURAL EMPLOYMENT GUARANTEE ACT (MAHATMA GANDHI NREGA)

- Lalthanmawia Ralte, Principal, ETC (T), SIRD&PR

Entitlement I- Right to a Job Card:

Thingtlanga chhungkaw tinte hian an chhungkuaa puitling chinte hming leh an thlalak chuanna Job Card, hna an dilna tur leh hnathawh tur an hmuh theihna tur an nei thianga. He Job Card hi MGNREGA hnuiaia chanvo petu lehkha, hnathawh an dilna, inhlawhna an hmuh leh hlawh pek an nih dan leh a dangte kimchang taka chhinchhiahna a ni. Chhungkua chuan engtik lai pawhin Job Card update tak an kawl reng tur a ni.

Hnathawktute chanvo

“Para 1, Schedule II: Thingtlanga cheng chhungkaw tina puitling chin, kut hna mawl hmanga hnathawh (unskilled manual work) inhuamte chuan an hming, kum leh an chhungkaw address chu anmahni bialtu Gram Panchayat/VEC hnenah Job Card pekchhuah an nih theihna tura an chhungkaw inziah luh nan an theh lut ang.

Para 2, Schedule II: Dilna dawn a nih atanga ni 15 chhungin Gram Panchayat/VEC chuan zawh fiah tul angte a zawh chhuah hnuah pek tlak a nih chuan Job Card pekchhuah hi a tih tur a ni.”

Job Card (JC) zawng zawng hi a a neitu hnathawktute kutah leh enkawlina hnuiaia a awm tur a ni a, hnathawktuten an kuta Job Card an kawl loh hi dan bawhchhiatna a ni. Chhan tha tawk awm lova khawi VEC-in emaw Mahatma Gandhi NREGA thawktute emaw kuta Job Card a awm chuan MGNREGA Dan Section 25-na hmanga hrem theih dan bawhchhiatna a ngaih a ni.

Entitlement II- Hnathawh tur dil tura dikna chanvo leh ni 15 chhunga inhlawhna tur pek:

Hnathawktu dikna leh chanvo

“Para 6, Schedule II: Ziah luh tawh chhungkuaa member, Job Card-a an hming chuangte chuan he scheme hnuiaia kut hna mawl thawka inhlawhfak an dil thei a, heng dilna zawng zawng hi ziah luh ngei ngei tur a ni a, dated receipt pek chhuah a, IT system-a khung luh tur a ni.

Para 11, Schedule I: Hna dil atang emaw, dil lawk a nih chuan a thawh tan duh hun a sawi atangin emaw a hnuhnung zawk zawk ral hma ni 15 chhungin inhlawhfakna pek tur a ni.”

Entitlement III- Right to Unemployment Allowance (Hna pek loh chungchanga dikna chanvo):

Hna thawktute chanvo

“Section 7 (1), Mahatma Gandhi NREGA: He Scheme hnuiaia hna diltu chu a hna dilna lo dawn ni atanga ni 15 chhunga hna pek a nih lohin emaw hna chu advance in a dil anih chuan a hna thawh duh ni atanga ni 15 chhunga hna pek a nih loh chuan emaw, a ni hnukung zawk zawk angin, he section ang hian hna thawh loh hlawh nitin a hmu thei ang.”

Entitlement IV- Right to Plan and Prepare a Shelf of Projects:

He Scheme hnuiaia hna thawktu zawng zawngte chuan Gram Sabha a tel theihna dikna chanvo an neiin an khaw chhunga Mahatma Gandhi NREGA hnuiaia hna thawh tur an thlangin a thawh dan tur hmachhawp an rel thei.

Hnathawktute chanvo

*Section 16 (1): Gram Panchayat te chu he Scheme hnuiaia Gram Sabha in an thlan tawh hna thawh leh enkawl zui ah mawh an phur ang.
Para 7, Schedule (1), “Khaw tinh hian participatory planning exercise mumal tak neih theuh tur a ni a, State Sawrkarin kalpui dan tur a ruahman ang ngei chu kum tin August thla atanga February thla chhunga neih thin tur a ni. Khuate thawh tur hna te chu Gram Sabha-ah pharh tur a ni a, Intermediate emaw Agency dangin an thawh tur chu Intermediate Panchayat emaw District Employment Council ah a rahchhuah beisei tur kimchang nen pharh thin tur a ni.”*

Entitlement V- Works under Mahatma Gandhi NREGA:

Hnathawktu chu duhthusamah chuan a chenna In atanga 5 km bial chhungah hna thawh tur siam sak tur a ni. A awmna Block huam chhungah ngei hna pek tur a ni. Hna thawktu chu a chenna In atanga 5 km aia hlaah hna thawh tur pek a nih chuan, chu inhlawhfa chuan Travel Allowance a hmu thei ang.

*Para 18, Schedule II: A theih chin chinah hna diltu chu hna a dil laia a chenna khua atanga 5 km bial chhungah inhlawhna siam sak tur a ni.
Para 20, Schedule II: Paragraph 18 in a sawi ang lova hna hi 5 km bial pawn lamah siam a nih pawhin, Block huam chhungah ngei siam sak tur a ni a; tin, hna thawktu chu a hlawh tur rate atanga chhuta 10% pek belh tur a ni, hei hi kal manah leh living expense atan a ni.*

Entitlement VI- Hnathawhna hmuna dikna chanvo (Right to Worksite facilities):

“Para 23, Schedule II : Tui thianghlim in tur pekna tur (facilities), naupang leh chawlh hun laia awmna tur daihlim, first aid box, emergency leh intipem tenau enkawlina tur leh hna thawh lai kaihnawih hriselna lam khawih thei thil atana tangkai tur te chu worksite ah hian pek tur a ni.”



Entitlement VII leh VIII- Hlawh tur zat bituk sa la tura dikna leh ni 15 chhunga hlawh la tura dikna chanvo:

Section 6(1), Mahatma Gandhi NREGA: Minimum Wages Act, 1948 ah ziah lan a ni tawh tho chungin, Central sorkar chuan he dan atan bik hian hlawh zat tur ziakin hriattirna a chhuah ang: hmun hrang hrang atan hlawh bi hrang a bithliah ang:

Hetianga hlawh bi siam thar thin a nih hian nikhat hlawh tur hi cheng sawmruk (60) aain a hniam tur a ni lo.

Section 3(3), Mahatma Gandhi NREGA chuan hlawh chu kar tinin emaw hna thawh zawh atanga ni sawm pali (14) aia tlai lovah pek chhuah tur a ni.

Entitlement IX: Mahatma Gandhi NREGA hnuaia sum hmanna zawng zawnga Social Audit nei thei tura dikna chanvo:

Mahatma Gandhi NREGA chuan Gram Sabha chu hnathawh leh sum hman zawng zawnga Social Audit nei thei turin dikna leh chanvo a pe a.

Mahatma Gandhi NREGA dan Section 17-na chuan Gram Sabha chu Social Audits nei turin thuneihna a pe: Gram Sabha chuan

1. an khaw huam chhunga hnathawh zawng zawng an endik ang.
2. an khaw huam chhunga he scheme hnuaia project zawng zawngah Social Audit an nei thin tur a ni.
3. lehkha pawimawh zawng zawng, heng muster rolls, bill, vouchers, measurement books, sanction order copy leh account lam kaihnawih chu Gram Sabha hmaah Social Audit neihna atan hmuh mai theihin an siam tur a ni.